

Սալէհ էյուպ տիրեաց նաեւ Դամասկոսի , Պալպէքայ , Տիրերիոյ , Ասկաղոնի և Քերեքայ , և մեռաւ 'ի նոյն ամի , և թագաւորեաց որդի նորա Թուրան Շահ :

Ի կենդանութեան Սալէհ էյուպայ Լատինք տիրեալ էին Տիմիաթի , և 'ի ամին ժամանակի անկեալ էր խոռվութիւն 'ի մէջ նոցա և Իսլամաց . Լատինք խնդրէին զերուսաղէմ և զդմանս 'ի ծովեզերեայ քաղաքաց , զի փոխանակ այնոցիկ տացեն նոցա զՏիմիաթ . բայց նոքա ոչ առին յանձն , եւ յետ տարւոյ միոյ առին զայն պատերազմաւ և թուրան Շահ սպանաւ (1242) :

Պատմէ աստանօր Մարինոս Լատին թէ՛ 'ի ամին ժամանակի (1247) եկաց Պատրիարզ Լատինաց յերուսաղէմ Ռոպերդոս , և ընդ նմա էին Յակոբոս , Պանդալէոն և Թովմաս , և յետ կալոյ նոցա անդ սուղ ինչ ժամանակս , վերջստին արտաքսեալ աքսորեցան ընդ այլ կրօնաւորս եւ քրիստոնեայս :

Թագաւորն Գաղղիոյ Ս . Լուդովիկոս , ոյր վառեալ էր սիրտ սիրով ազատութեան Ս . Երկրին , յուսկ ուրեմն եհաս յարեւելս (1250) եւ դիմեալ զօրօք 'ի վերայ Տիմիաթ քաղաքի առ զնա 'ի ձեռաց Եգիպտացոց՝ և անտի ուղղեաց զարչաւանս իւր 'ի մայրաքաղաքն Եգիպտոսի 'ի Փահիրէ . այլ չարաչար պարտեալ 'ի Սուլթանէն գերի վարեցաւ ինքն և չլթայսկալ եղաւ 'ի բանտի , եւ զօրք նորա կստորեցան առաւել 'ի ժանտախտէ քան 'ի սրոյ թշնամեաց : Ականատես եղեւ անդ սպանման յետին ժառանգին ընտանեաց Սալահատտինի . խուժադուժ Մեմլուք Պահարիաք յետ արկանելոյ զձեռն յարին տեսան իւրեանց . խորհեցան խորտակել զչլթայս Ս . Լուդովիկոսի և կացուցանել զնա Սուլթան 'ի վերայ իւրեանց՝ հիացեալ ընդ այնչափ առաքինութիւնս նորին : Սակայն փոխեալ յետոյ զխորհուրդս իւրեանց ինքեանք կալան զաթուռն Եգիպտոսի կարգաւ , իսկ Ս . Լուդովիկոս ազատեալ 'ի չլթայից գերութեան եկն յԱսորիս , ուր ընդդէմ եկաց ժամանակս ինչ արչաւանացն այլազգեաց , մանաւանդ Սուլթանացն Դամասկոսի և Բերիոյ , որ ստէպ՝ յարձակէին 'ի վերայ ծովեզերեայ քաղաքացն եղելոց 'ի ձեռս Լատինաց : Եւ յետ երկուց ամաց ազատութեան իւրոյ ձեռն արկ